



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1682. usque ad annum 1690

**Fleury, Claude**

**August. Vind. [u.a.], 1781**

**VD18 90119231**

§. 27. Lavardinus Franciæ Orator anathemate percussus.

---

[urn:nbn:de:hbz:466:1-67608](https://nbn-resolving.org/urn:nbn:de:hbz:466:1-67608)

Sæc. XVII. constantia; Pontifex enim sublato anno  
 A. C. 1687. themate reis veniam, & pristinum Re-  
 ginæ favorem indulfit, eamque amplis  
 munusculis in redintegratæ amicitie  
 testimonium honoravit.

## §. XXVII.

*Lavardinus Franciæ Orator anathemate percussus.*

Inter hæc Ranuccius summi Pontificis  
 Nuntius in Galliis nulli pepercit la-  
 bori, ut propositis aliorum Principum  
 exemplis Ludovicum Franciæ Regem  
 ad cedendam immunitatem, quam ejus  
 Oratores Romæ in suis ædibus obten-  
 debant, induceret: cum vero eum suo  
 proposito firmiter insistere. jamque La-  
 vardinum Oratorem Romam properare  
 nuntiaretur, Innocentius illico Pontifi-  
 ciarum Urbium Præfectos moneri jussit,  
 ne Oratori alias debitum exhiberent  
 honorem, nisi se prætenso juri cessu-  
 rum promitteret, pariter Estreo Cardi-  
 nali jussu Pontificis Cibus Cardinalis  
 Franciæ Legatum non alia lege exce-  
 ptum, agnitumque iri, per Abbatem  
 Riccium nuntiari jussit, cunctisque Car-  
 dinalibus (excepto Estreæ) inhibuit,  
 ne Marchionem Legatorum numero  
 haberent, aut consuetis honorum titu-  
 lis prosequerentur. Nihilominus præ-  
 missis

missis magno numero famulis Lavar- Sæc. XVII.  
dinus die decima sexta Novembris du- A. C. 1687.  
centis ferme armatis stipatus, Romam  
ingredi parabat, a quo tamen Urbis  
Præfectus ante portas sciscitabatur:  
Quid sibi vellet armata hæc multitudo,  
& an Marchio Pontificis mandato pa-  
rere paratus esset? ad quæ Orator re-  
spondit, se Pontifici significaturum ve-  
nisse, quod Rex suus pro more Majo-  
rum supremam Pontificis auctoritatem  
contra impiorum machinationes, &  
iniquas privilegiorum usurpationes  
tueri vellet: dato hoc responso in ur-  
bem admissus, mox Palatium Farne-  
sianum castrorum more militibus suis,  
aliisque mille ducentis Regis stipendia  
merentibus cinxit, dato negotio, ut  
publicos Apparitores, & vim, si qua  
pararetur, arcerent: ipse vero in cir-  
cumfusam & accurrentem undique mul-  
titudinem nummos largiter dispersit, &  
a venali plebecula longævæ vitæ, om-  
nisque prosperitatis auguria retulit:  
Salutabatur etiam eadem die ab Hi-  
spano Oratore, Estræo & Maldachino  
Cardinalibus, nihilominus tamen ad  
summi Pontificis alloquium minime ad-  
mittebatur, & quamvis minis ac pre-  
cibus egisset, ut velut Orator habere-  
tur, Pontificii tamen Ministri, quos ea  
de re interpellabat, alto ubique silentio  
eum

Sæc. XVII. eum excipiebant: Id ubi resciverunt  
A. C. 1687. Franciæ Rex, Pontificis Nuntio in Gal-  
 liis agenti aditu omni ad se illico inter-  
 dixit, vetuitque, ne Versalias venire  
 præsumeret, Pontifici autem nuntiare  
 Gallos ex Pisani fœderis lege Castris  
 Roncillionis restitutionem pro Parmensi  
 Duce armis procuraturos. His tamen  
 Pontifex a sua sententia, animique con-  
 stantia nihil remisit, nec vicissim La-  
 vardinus cedendum ratus, contemp-  
 tivo fulmine unacum Coniuge sua  
 splendidoque Aulæ comitatu die vige-  
 sima quinta Decembris Ecclesiam S. Lu-  
 dovici accessit, ibidemque in Nati-  
 viorum Christi reverentiam Divino offi-  
 cio interfuit, sacramque Synaxin ac-  
 cepit: Re comperta Pontifex, ne pro-  
 prias leges impune negligi permetteret,  
 mox altera die publico interdicto præ-  
 fatam Ecclesiam devovit, atque in Ec-  
 clesiasticos eidem inservientes per Cat-  
 dinalem Vicarium sequentem pronun-  
 tiavit sententiam: „Auctoritate Apo-  
 „stolica, & de mandato speciali S. D. N.  
 „Papæ, denuntiatur, suppositum Ec-  
 „clesiasticum Interdictum Parochial  
 „Ecclesiæ S. Ludovici, ex eo, quia  
 „Rector, & Officiales, & Ministri ejus-  
 „dem Ecclesiæ temere ausi fuerunt,  
 „admittere ad divina officia, & parti-  
 „cipationem Sacramentorum, in pro-  
 xime

„xime præterita nocte Sanctissimæ Nati- Sæc. XVII.  
 „vitatatis Domini nostri Jesu Christi, Hen- A. C. 1687.  
 „ricum de Beaumonoir, Marchionem  
 „Lavardinum, notorie excommunica-  
 „tum. „

Inde vero acrius quam unquam exarsere diffidorum flammæ, ac præpripis Lavardinus vehementissime offensus, scriptum quoddam ubique divulgari jussit, in quo injurias Regi suo illatas, & violentos Pontificis ausus exaggerans, necnon Pontificis decretum illegitimum omnique juris effectum destitutum declarans, suo diplomati Sigillum apposuit, montem exhibens tribus fulgetris percussum, cum hac inscriptione: *Impavidum ferient ruinæ: Spargebantur etiam quotidie in vulgus scripta, quibus ab aliis causa Pontificis, a nonnullis Franciæ jura defendebantur, atque inter alia hoc distichon Pasquini statuæ affixum cernebatur:*

*Correxit Petrum Gallus, ploravit  
 Et ille,*

*Nunc Petrus Gallum corrigit, ille  
 negat.*